



WWW.SOLODIPUEBLO.COM



SOLODIPUEBLO@GMAIL.COM

FISCAL A EXIGI 2 AÑA DI PRISON HOMBER ACUSA DI HUUR APARTAMENTO NA DAMANAN CU A HACI PROSTITUCION ILEGAL NA SAN NICOLAS

REFORSANDO E PROME LIÑA DI CUIDO. MINISTER ODUBER A TENE SESION INFORMATIVO CU DOKTERNAN DI CAS



CMO TA ATENDIENDO CU KEHONAN RICIBI DI HABITANTENAN DI SERO TIJSHI

Investigacion ta andando



CLARIFICACION TOCANTE E INCIDENTE TRAGICO NA BEACH: GRUPO DI AMIGONAN NUNCA A SUBI CATAMARAN**

Relaciona cu e noticia reciente tocante e fayecimento lamentabel di un hoben Colombiano durante cu nan tabata na Palm Beach, ta importante pa clarifica algun detaye pa evita malentendimiento. Contrario na loke a wordo raporta inicialmente, e grupo di amigonan involucra nunca a subi un catamaran.

Segun e informacion cu nos redaccion a recopilá, e amigonan tabata disfrutando di un dia na beach cu consumo di

alcohol. Nan tabata localisa riba beach, serca di lama, ora cu e suceso tragico a tuma lugar.

Al pareser, e hoben cu a fayece a expresa su intencion pa landa bay na un catamaran cu tabata ancora poco mas leu for di costa. Sinembargo, ta crucial pa clarifica cu na ningun momento e grupo a subi e embarcacion. Simplemente nan tabata disfrutando di e beach y comparti bebida y pasa un

momento placentero.

E triste desenlace a tuma lugar ora cu e hoben

kisas tabata intenta pa alcanza e catamaran landá y lamentabelmente a hoga den e proseso.

Ta importante pa bisa cu e informacion aki ta loke a wordo recopilá te awe pa nos redaccion, y nos ta comprometi pa brinda claridad den nos cubrimiento di sucesonan.

Prome Minister Evelyn Wever-Croes:
Den cuadro di Dia di Himno y
Bandera,

PROME MINISTER A BISHITA GRAF VON ZINZENDORF SCHOOL



iahuebs mainta, Prome Minister Evelyn Wever-Croes a cuminsa su dia bishitando Graf von Zinzendorf School na San Nicolas en conexion cu dia di Himno y Bandera.

Prome Minister a ricibi un caluroso bonbini den forma di un bunita presentacion di un baile tipico cu e alumnonan a prepara p'e. Tambe e muchanan a mustra Prome Minister obranan di man masha bunita cu nan a prepara pa un feria cu e scol ta bay tin dia 15 di maart pa celebra e dia nacional. Prome Minister a keda impreciona cu e talento artistico y e dedicacion di e muchanan pa cu e dia grandi aki.

Tawata un mainta hopi ameno, unda Prome Minister a papia riba e importancia di e himno y e bandera, riba e echo di ta un Arubiano, di stima nos dushi Aruba, tene nos isla limpi, stima y cuida nos animalnan, yuda otro y asina percura pa Aruba bay padilanti.

Na final di e mainta agradabel aki Prome Minister a gradici juffrouw Edith pa e oportunidad di bishita klas 5, un klas di muchanan masha trankil y hopi creativo y a termina cu un mensahe pa e muchanan pa semper haci nan maximo esfuerzo pa ta e miho den tur cos. Den nan estudio, deporte, of cualkier area di nan interes pa asina mayan nan ta esnan cu lo tuma posiconnan over den Gobierno y den tur otro sector.

Un patrimonio fuerte,
resiliente y perseverante
mescos cu nos
Banco di Seguro Social
SVb.

Ban segura e futuro di nos
caha di orgel pa e keda ancla
den nos convivencia.

*Feliz Dia di
Himno Y Bandera.*



Dia di Himno y Bandera

Awe nos ta orguyosamente hisa nos
bandera pa celebra nos cultura, herencia
y e amor pa nos isla cu ta uni nos tur.

Pabien Aruba!

Minister Dangui Oduber

REFORSANDO E PROME LIÑA DI CUIDO. MINISTER ODUBER A TENE SESION INFORMATIVO CU DOKTERNAN DI CAS



Mr. Ivo Dongen di SETAR a elabora over die ampliacion di Aruba Health App, unda cu tur presente por a haci pregunta pa por sa mas di con e app lo yuda alivia e trabou di e dokter di cas.

Minister Oduber ta gradici

na tur persona cu a duna un presentacion y tambe tur cu tawata presente y na un manera interactivo a sa di haci pregunta y intercambia idea. Asina hunto na un manera efectivo y transparente lo keda traha pa inova e sector di salud pa mehora

calidad di cuidu di Aruba.

Pa clausura e session minister Oduber a gradici tur e dokternan di cas pa nan trabounan. Nan ta nos prome liña di cuidu cu ta traha bao hopi presion y nos ta balora nan trabounan.



Diaranzon atardi Minister Dangui Oduber a tene un reunion cu e dokternan di cas pa duna un splicacion y duna un presentacion con ta bai traha hunto pa reforsa e prome liña di cuidu conforme e zorgakkoord cu a wordo firma na juni 2023. Un acuerdo unda cu tin diferente iniciativa delinia pa wordo ehecuta un pa un den e siguiente añanan.

Durante e atardi aki AZV a elabora ariba e “meerjaren financieel kader” pa asina por tin un manera eficiente, cu enfasis pa inverti den cuidu especialmente cuidu di prome liña.

Mr. Brugman a elabora ariba e “uitbreiding huisartsenopleiding”. E meta ta pa stimula mas yiu di tera pa studia y specialisa como dokter di cas akinan mes na Aruba.



Serlimar

kier informa tur cliente en conexion cu dia nacional di Aruba 18 di maart 2024 cu ta un dia liber.

Ruta residencial ta lo siguiente:

Dialuna	18 maart '24	Dia di Himno y Bandera
Diamars	19 maart '24	Ruta di Dialuna
Diaranson	20 maart '24	Ruta di Diamars
Diahuebs	21 maart '24	Ruta di Diaranson
Diabierna	22 maart '24	Ruta di Diahuebs
Diasabra	23 maart '24	Ruta di Diabierna





Noticia di Corte

FISCAL A EXIGI 2 AÑA DI PRISON HOMBER ACUSA DI HUUR APARTAMENTO NA DAMANAN CU A HACI PROSTITUCION ILEGAL NA SAN NICOLAS

– Corte di Husticia a trata e caso penal cu Ministerio Publico a cuminsa contra e homber Dominicano J.R.M.(47) biba na Aruba. E ta wordo acusa cu entre 1 April 2022 y 28 Februari 2023 a duna hospedahe na un cantidad di dama ilegal kendenan tabata haci prostitucion ilegal den San Nicolas.

SOLODIPUEBLO por a compronde cu J.R.M. a nenga di tabata duna hospedahe na damanan ilegal cu tabata haci prostitucion ilegal. Fiscal a hay'e culpabel y a exigí 2 aña di prison.

HUUR APARTAMENTONAN

Hues a haci J.R.M. un cantidad di pregunta y J.R.M. tabata blo bisa cu no ta berdad cu e tabata duna hospedahe na e damanan ilegal. El a bisa Hues cu tur e damanan a bin via aeropuerto, como turista y door cu no por paga hotel, nan a bay keda den e apartamentonan.

Ta asina cu J.R.M. a firma un contract cu doño di e 6 apartamento den Rembrandtstraat y 6 apartamento den B.v.d.Veen Zeppenveldtstraat, pa e huur esakinan. Hues a puntra si J.R.M. tabata gana placa cu esaki. Segun J.R.M. cu e no tabata gana placa cu e huurmento sino pa cubri gastonan di coriente y awa. Pa luna e huur total ta 3500 florin segun J.R.M.

DAMANAN DETENI PA PROSTITUCION ILEGAL

Hues a muestra cu Polis a bisa cu a haya tip di Warda Nos Costa, cu tin prostitucion den apartamentonan na San Nicolas. Polis a bay haci investigacion na e apartamentonan riba 1 November 2022. A detene y interroga 4 dama. Hues a muestra cu e dama C.L. a declara cu e ta bin regularmente Aruba pa prostitucion y a paga 75 florin pa dia na J.R.M. pa un apartamento.

E dama C.W. a declara cu el a bin Aruba como turista pa 3 dia na October 2022 y desde 24 October 2022, e ta huur apartamento for di J.R.M. Promer di esey na Juni 2022 tambe el a traha como prostituta. Segun J.R.M., e no tabata sa cu nan tabata traha como prostituta. Hues a sigui bisa cu e dama E.S.L., a bisa cu el a bin Aruba pa traha como prostituta.

Hues a bisa cu Polis dia 28 Februari 2023, a bolbe haci investigacion. A detene diferente dama. E dama A. a declara cu el a yega Aruba 7 Februari 2023 pa 10 dia y tabata ilegal. El a bisa cu J.R.M. sa cu e tabata traha como prostituta. E dama J.C. a bisa cu e ta trahando 7 aña caba den prostitucion.

El a bin hunto cu A. y tabata comparti apartamento cu A. Segun J.R.M., ta e amigo di A. a bin huur apartamento. Hues a sigui bisa cu e dama H. a bisa cu e desde Januari 2023 e tabata ilegal y tabata huur apartamento. El a bisa cu J.R.M. tabata sa cu e ta traha como prostituta. Tur e damanan aki a wordo deteni y saca for di Aruba. Hues a lesa declaracion di mas dama cu a wordo deteni na September 2022 na apartamentonan cu J.R.M. ta huur.

Hues a bisa cu un asociacion di barnan na San Nicolas a reclama cu J.R.M. ta concurrencia inhuato pa nan. Segun e asociacion, J.R.M. ta huur apartamento mas abao cu barnan ta huur cu e damanan. J.R.M. a bisa Hues cu e no tabata sa cu e damanan ta traha prostitucion. Hues a bisa cu en total, 13 dama ilegal a wordo deteni.

FISCAL TA EXIGI

Fiscal a bisa Hues cu e ta haya J.R.M. culpable di a duna hospedahe na damanan ilegal cu tabata haci prostitucion ilegal.

Fiscal a muestra cu tin diferente di e damanan a declara cu tabata paga 75 florin pa dia pa apartamento cu J.R.M. tabata huur. Nan tabata haci prostitucion na e apartamentonan. Fiscal a sigui bisa cu tin di e damanan a declara cu nan mester keda paden sino J.R.M. lo yama Warda Nos Costa pa nan. Tin di e damanan a declara cu ta J.R.M. a bay busca nan na aeropuerto. Na opinion di Fiscal, J.R.M. tabata sa cu e damanan tabata haci prostitucion ilegal.

Fiscal a bisa Hues cu e no ta kere cu J.R.M. no tabata sa di nada. Fiscal a lesa declaracion di varios di e damanan pa muestra cu nan tabata paga J.R.M. 75 florin pa dia y nan tabata haci prostitucion ilegal. Fiscal ta haya cu J.R.M. tabata haci ganashi. Na opinion di Fiscal, el a bira un costumber di J.R.M. pa huur apartamentonan cu damanan ilegal cu tabata haci prostitucion. Fiscal a muestra cu tin combersacionnan di WhatsApp, caminda J.R.M. tabata instrui e damanan kico nan mester bisa Inmigracion pa asina por drenta Aruba como turista y despues ta keda ilegal y traha prostitucion.

Fiscal a tene cuenta cu ta promer biaha cu J.M.R. a cay sera. Fiscal ta haya cu mester manda un señal cu no ta permiti e tipo di prostitucion aki. Fiscal a exigí 24 luna di prison, di cual 12 luna ta condicional cu un tempo di prueba di 2 aña.

ABOGADO


Abogado mr. Zara a bisa Hues cu den e caso aki no por papia di cu J.R.M. lo a usa e damanan. El a pidi Hues pa tene cuenta, cu declaracion di e damanan no ta bisa e berdad. Na opinion di abogado, tur ta tira culpa riba J.R.M. Nan sa cu nan lo wordo saca for di Aruba y no ta worry kico lo pasa cu J.R.M., kende a wordo deteni pa un tempo. E abogado a sigui bisa cu e damanan aki a bin prepara Aruba y sa kico pa declara ora nan wordo deteni. Na opinion di mr. Zara, J.R.M. no a forza ningun di e damanan pa haci prostitucion.

E unico cos cu el a haci tabata huur nan un apartamento y no tabatin intensión di haci ganashi.

E abogado ta haya cu mester declara J.R.M. liber di traficacion di hende. E abogado ta haya cu J.R.M. no tabata ofrece e damanan trabao di prostitucion. Mr. Zara a remarca cu Inmigracion a screen y a laga e damanan pasa y no por bay exigí di J.R.M. cu e mester check si e damanan aki ta kedando ilegal. E abogado ta haya e exigencia di Fiscal demasiado halto.

Hues a sera tratamiento di e caso y a bisa cu e lo bay studia e caso y dia 4 April 2024 lo tin sentencia.



A man and a woman are standing on a beach, holding hands and looking out at the ocean. They are both wearing white t-shirts with a logo. The man is wearing white shorts with a blue and red pattern. The woman is wearing green pants. In the background, a large flag with a blue field and yellow diagonal stripes is visible. The sky is blue with white clouds. The foreground is filled with green coastal plants.

*Cu orguyo nos ta celebra
nos Cultura, nos Tradicion
y nos Identidad.*

**Feliz dia di
Himno y Bandera!**

MINISTER ENDY CROES A BISHITA E CELEBRACION DI HIMNO Y BANDERA NA COLEGIO SANTA FAMIA



: Diahuebs mainta, Minister Endy Croes a bishita scol basico Colegio Santa Famia na Pos Chiquito den cuadro di nos dia nacional. Cu hopi alegria y entusiasmo e alumnonan tabata en



espera di e dignatario. Na yegada cabesante di scol Sr. Sigfried Kelly, staf, alumno – y maestronan a duna e mandatario un bunita y caluroso bonbini. Sigui pa presentacion di un baile cultural presenta pa e alumnonan di klas 5. Pa duna inicio oficial na e mainta festivo e alumnonan a canta nos himno Aruba, Dushi Tera y a hisa nos bandera. Minister Endy Croes a hiba palabra, unda cu el a conta un poco di e historia di nos himno y bandera pa asina inculca e amor patria y e importancia di e celebracion den nos muchanan. Despues di

esaki, Minister Endy Croes a bishita e klasnan unda cu diferente instancia a duna presentacion di, entre otro, historia di Aruba, economia circular, agricultura, cah'i orgel y weganan tipico pa asina educa e muchanan di e tradicion di nos pais.

Sr. Sigfried Kelly, kende ta cabesante di e scol a expresa di ta contento y agradecido cu bishita di Minister Endy Croes na Colegio Santa Famia. E alumno – y maestronan a prepara un dia hopi special pa celebra 18 di maart. Un carousel di informacion na unda cu diferente instancia

a duna presentacion di e historia y herencia di Aruba y e temanan cu ta di vital importancia di nos pais. E meta di e proyecto aki ta pa engrandec e balornan di nos isla. Na final di e bishita, Minister Endy Croes a ricibi un bunita obra di man titula: Timon di Enseñansa, traha pa e hoben Amanda Ospina Chacón. Por ultimo, Minister Endy Croes ta gradici e scol pa un mainta ameno y ta felicita nan cu un bunita programa. Alabes e mandatario ta invita Pueblo di Aruba pa hunto ban celebra e Dia di Himno y Bandera en grande.



*Fiel na mi Aruba,
e pais di unda mi ta!*

**FELIZ DIA DI HIMNO
Y BANDERA.**



*Netamente Criyoyo!
4 generashon di comerciante local...*

*Mo Chimi, Max, Dadou,
Karine y Paul*

*Ta desea pueblo di
Aruba un Feliz
Dia di Himno y Bandera*

Prome Minister Evelyn Wever-Croes:

CMO TA ATENDIENDO CU KEHONAN RICIBI DI HABITANTENAN DI SERO TIJSHI

Investigacion ta andando



Desde cu habitantenan y vecindario di Sero Tijshi a entrega varios keho cerca Prome Minister Evelyn Wever-Croes, tumando cada keho y preocupacion di ciudadanonan na serio, Prome Minister a instrui Crisis Management Office (CMO) pa cuminsa cu un investigacion di inmediato.

Ya pa algun tempo caba, CMO a cuminsa cu e investigacion y a reuni cu e habitantenan y a scucha tur nan preocupacion di e situacion cu lo ta strobando y causa daño especialmente door di e holor malo.

Den number di Prome Minister di Aruba, CMO ta atendiendo e situacion aki cu actualmente ainda ta bou di investigacion. Proximamente, CMO lo tin resultado cla di e investigacion pa asina sigui cu e procedura corespondiente.

AZ
Algemene Ziektekosten Verzekering

ta desea Aruba un Feliz Dia di Himno y Bandera.

Servicio ta continua 19 di maart 2024.

ELMAR

Feliz dia di Himno y Bandera, Aruba!

En conexion cu Dia di Himno y Bandera nos lo ta cera henter dia ariba:
Dialuna 18 di maart 2024

Den caso di emergencia por yama libremente nos Storingsdienst na 523-7147.



Departamento di Labor y Investigacion

ORARIO PA ATENDE PUBLICO DIABIERNA 15 DI MAART 2024

Departamento di Labor y Investigacion ta participa na tur cliente cu riba diabierna 15 di maart 2024 nos lo ta cera pa publico di 12:00’or di merdia en conexion cu reunion di personal.

Departamento di Conflictu lo atende publico te cu 11:00’or di mainta riba e dia aki.

Nos ta pidi disculpa si esaki por trece cualquier inconveniencia.

Director suplente,
Sr. A. Lee Riviears

Feliz dia di Himno y Bandera

Exposicion “Visualizando Dicho, Proverbio y Expresion”

Orario : 11 AM pa 1 PM

Luga: UNOCA, Stadionweg 21

Feliz dia di

Himno y Bandera

18 maart 2024

WEB WATER- EN ENERGIEBEDRIJF ARUBA N.V.

UTILITIES ARUBA NV

ELMAR

Premio Cultural Playa Pabao otorga na: **Sr Hector (Chichi) Perez**



Playa Pabao – Dialuna 18 di maart, directiva di Centro di Bario Playa Pabao ta organisa su tradicional actividad “un atardi cultural den bario”, E actividad aki ta cuminsa 12’or pm pa 6’or pm. Lo tin presentacion di difirente grupo di baile hubenil, solistanan, baile di sinta bou di direccion di Lia Lopez y poetanan. Bar y cushina lo ta bon sorti. Durante e actividad aki ta bay honra sr Hector “Chichi” Perez pa su participacion den e deporte di judo y tanchi Lia Lopez pa tur loke ela hasi pa tene nos cultura bibo.

Aki ta sigi e Curriculum Vitae di Hector (Chichi) Perez

Number: Hector Perez, mihor conoci como Chichi Perez.

Naci na Sto. Domingo dia 13 di November 1939.

A yega Aruba cu 6 aña y a sigui su estudio na Aruba.

E ta casa y e tin tres yiu.

Hector a cuminsa hasi e deporte di judo na un edad hoben y a obtene e grado di Derde Dan Black Belt den judo.

Hector a duna les di judo durante 35 aña, entre otro na Centro di Bario Playa Pabao. Den e deporte di

judo Hector a representa Aruba como coach y alaves sportmasseur na e weganan olimpico di Seoul na Corea den aña 1988.

Sr Perez a bira referee International di judo y a fungi den diferente competencia internacional manera weganan Panamericano, Sur Americano y Centro Americano y den Caribe durante aña 1988 pa 2003. Paisnan cu e la funciona como referee ta Canada, Merca, Ecuador, Colombia, Venezuela, Argentina, Brazil, Cuba, Sto. Domingo, Curaçao y Bonaire.

Hermana Isla di Bonaire a dune un reconocimiento pa stimula y yuda engrandece e deporte di judo na Bonaire y e relacion di judo entre e islanan di Aruba, Curaçao y Bonaire. Aruba Sports Award a condecora Hector Perez como official di aña den aña1994.

Hector Perez tambe ta un musico y ta acompaña cu su guitarra y canta den Coro La Escala for di aña 1987.Actualmente e ta e director di Coro La Escala y ta mantene su mes ocupa dunando presentacionnan pro deo na e casnan di nos grandinan manera Maristella, Saba SN, St. Michael Paviljoen, Cas Marie, Cas Mariazul, Favi, Hospital y Centro di Barionan.

Su ultimo actuacion tabata e siman aki na Saba SN y na Cas Marie.



**Pabien Aruba,
cu celebracion
di Dia di Himno
y Bandera!**

18 di maart 2024

BANCO DI CARIBE



Celebracion di nos Himno y Bandera na Centro di Barrio Savaneta



y veld deportivo di Centro di Barrio Savaneta. Nos ta invita un y tur pa pasa bishita nos dialuna 18 di maart. Bin pasa un rato ameno den compania di bo famia y amistadnan.

di Centro di Barrio Savaneta y keda al tanto di e diferente actividadnan cu Centro di Barrio Savaneta ta ofrece durante aña na henter e comunidad di Aruba, en particular esnan di Savaneta y bisindario.

tambe recauda fondo pa por inverti den e edificio

Like e pagina di Facebook



Dia 18 di maart Centro di Barrio Savaneta lo tin su actividad anual p'asina celebra nos dia nacional, dia di nos Himno y Bandera. E actividad ta cuminsa 12or di merdia te cu 6or di atardi, cu entretenimento pa Tipico Pegasaya, Tipico Folklore Nos Herencia, Daniel y su Coco Loco Band, Caha di Orgel Mi Dulcita y gruponan di baile cu lo deleita esnan presente.

Ademas lo tin weganan

popular pa grandi y chikito organisa conhuntamente cu Spel Zonder Grenzen cu semper ta trece e ambiente competitivo y animacion. Y un mini bazaar cu cos dushi, acesorios y artesanía. Nos bar y cushina tambe lo ta bon surti. E cushina lo tin dushi cuminda crioyo, entre otro, bacalao, carni stoba, sopi carni y mucho mas.

Meta di e actividad ta pa promove semper nos cultura y tradicionnan como

Feliz

Dia di Himno y Bandera



En conexion cu celebracion di Himno y Bandera nos oficina lo ta cera:

Dialuna, 18 di maart 2024

Nos lo ta habri bek pa brinda bo servicio durante nos orario regular:

Diamars, 19 di maart 2024

APFA ta crea awe balor pa mañan

DIA DI HIMNO Y BANDERA 2024

Ban Celebra



Himno y Bandera

HISANDO E BANDERA

MAS GRANDI DI **ARUBA**


17 maart 2024 | 11pm - 1am

@Cede di MEP!

Entretenimento | Cuminda | Bar Bon Surti

Un dia pa celebra e union den nos pueblo!





Ministerio di Enseñansa y Deporte

Feliz Dia di **Himno y Bandera**

Halsa bo bandera y canta
nos himno Aruba Dushi Tera
cu orguyo.



Endy Croes

18 di maart
2024

Minister di Enseñansa y Deporte
Endy Croes



Terrance Ras di AVP

MEP ta neglisha proyecto di AVP pa castiga San Nicolaas

Gobierno y tur politico tin cu tene pueblo den nan curason, no solamente durante di campaña pero tambe ora cu ta den gobi-erno, ya cu no ta pa mo- tibo cu ta un gobierno di AVP a construi e Lago Heights Hill Park, awor cu tin otro gobierno di MEP,

tin cu laga e centro aki bay perdi.
“Tur hende cu para ban- da di loke tabata e parke unico aki, por ripara con peligroso autonan ta pasa cerca di e parce aki, cre- ando hopi peliger pa esun- nan cu ta cana rond di e parke aki.

Gobierno ya no tin wowo habri pa pariba di brug pero sin tin excelente parkenan bon mantene pabou di brug y e ora nos tin cu puntra si e parti aki di Aruba no ta conta anto pa gobierno?
Recientemente tin auto a pasa ranca e cura, otro a



pasa dor di e parke y fuera di cosnan aki, e parke ta cubri cu cantidad di yerba cu tambe ta forma peli- ger pa esunnan cu ta bin bishita e luga pa pasa mo- mentonan agradabel y dis- trae nan mes pero manera e luga aki ta, manera cu gobierno a laga esaki bay perdi ultimo seis aña, no ta aceptabel.

No ta cuestion cu si ta proyecto di AVP of MEP pero e cosnan aki ta nos como ciudadano ta paga pa e cosnan aki y nos tin derecho di pidi gobierno pa mantene e sitionan aki ya cu nan ta di suma im- portancia pa formacion di nos comunidad, forma- cion di nos yiunan,” Ter- rance Ras a trece dilanti.

*"O, Aruba, dushi tera,
nos baranca tan stima
nos amor p'abo t'asina grandi
cu n'tin nada pa kibre!"*

*Feliz dia di
Himno y Bandera*

**ARUBA PORTS
AUTHORITY NV**
ORANJESTAD + BARCADERA

Sudoku

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

MINISTER ENDY CROES TA DIVULGA RIBA ALGUN DESAROYO DI E PROYECTO DI RENOBACION DI PALO MARGA



ORANJESTAD: Recientemente, Minister di Enseñansa di Deporte Endy Croes a divulga riba algun desaroyo di e proyecto deportivo di Palo Marga International Raceway Park. Manera ta conoci, pa mas di 10 aña Palo Marga no a haya atencion di e gobiernonan anterior y no tabata den un condicion adecua. Despues di evalua e necesidadnan cu tabatin den Palo Marga, desde aña 2023 a inicia cu e prome fase di e proyecto di renobacion di Palo Marga. Pa e prome fase di renobacion a aloca 26 poste di luz, instala cabel di coriente y a construi un baki di santo na e final di pista, cual ta pa evita cualkier desgracia

den caso cu break di auto faya. A inverti den luz ultramoderno LED light di marca Philips. Den e luna di juli di aña pasa a concretisa e prome fase aki, unda a cende e luznan di Palo Marga cu ta ilumina e pista desde inicio te na final di e pista. Esaki sigur ta brinda e coredonan seguridad, mirando cu nan tin un miho bista di e pista. E mandatario di Deporte a haci un promesa di sigui cu e di dos fase di renobacion di Palo Marga, cual ta pa renoba e pista completo di Palo Marga pa cumpli cu e standardnan internacional. Pa esaki, a trece Sr. Kurt Johnson di Total Venue Concepts, un profesional den e prepara-

cion di pista di “drag racing” na Merca. Sr. Johnson a bishita Aruba na final di aña 2022, pa evalua kico tur mester haci pa e pista di Palo Marga wordo certifica. Sr. Johnson den su carera a atende cu varios pista di drag race rond mundo y tin conocemento y experticio amplio pa evalua, midi, bora, analisa pista y duna un rapport final. Aña pasa Sr. Johnson a traha un rapport di e pista di Palo Marga y a presenta tres (3) opcion den su rapport. Durante un reunion, Minister Endy Croes hunto cu Arubaanse Wegenbouw Maatschappij (AWM) y Dienst Openbare Werken (DOW) a discuti

riba e topico aki pa mira cua di e opcionnan aki ta factibel. Na final di e reunion, a conclui cu actualmente no tin tur e ekiponan necesario na Aruba pa cumpli cu e standardnan internacional. Sinembargo, a traves di e contactonan di Sr. Kurt Johnson a ricibi un oferta adicional pa complimenta e proyecto aki. Durante e prome siman di april, Sr. Johnson y su team lo yega Aruba cu ekiponan di Merca pa guia AWM y DOW. Ademas di esaki, AWM lo trece un experto di Hulanda pa concretisa riba nivel di millimeter con nan lo basha e pista. Sr. Johnson a propone pa uza un mix special pa e pista, esta “race quality asphalt”. E materialnan a yega Aruba caba pa inicia cu e trabou na comienso di april. Ta planifica pa termina e proyecto di renobacion di e pista di Palo Marga na final di mei. Pues, tin hopi energia y trabou hinca den Palo Marga desde aña

2023. Desde Bureau di Minister di Deporte Endy Croes a keda monitorea, trek y guia e proyecto aki. A percursa continuamente pa e fondonan yega pa realisa e proyecto di Palo Marga, pa cumpli cu e condicionnan internacional y tin un pista certifica pa e proximo 15 añanan. Cu esaki Gobierno di Aruba ta percursa pa brinda esnan cu ta practica e deporte di drag race seguridad. Minister Endy Croes ta gradici DOW, AWM, directiva di Palo Marga, Ministerio di Deporte, tur stakeholder y team di profesional di Merca cu a bin cu un plan strategico pa hunto cristalisa e proyecto aki. Finalmente, e mandatario di Deporte ta desea tur coredo hopi exito cu e logro aki. “Ta nos compromiso pa contribui den e desaroyo di deporte di Aruba y Gobierno di Aruba ta invertiendo den deporte pa bienestar di tur deportista”, Minister Endy Croes a conclui.

CHAPI Y VERF HANDY MAN

Nos ta haci tur sorto di chapi y verf cas, edificio, school.
Nos ta tira sushi afo.

Cel: 561-1397

Horacio Oduber HOSPITAL

HUNTO PA UN ARUBA!

FELIZ DIA DI Himno y Bandera!

NOS SEMPER T'EY!

Pastoral Hubenil Aruba cu Caminda di Cruz pa hubentud

Den e temporada di cu-aresma aki, Pastoral Hubenil Aruba (PHA) ta organisando un Caminda di Cruz diferente pa e hobennan di pastoral hubenil di e diferente parokianan y muy en especial pa nos hubentud en general y familiarnan. E Caminda di Cruz cu tin como titulo “Ban Cana cu

Hesus” ta tuma lugha den nos medio ambiente y ta pa e hobennan reflexiona riba e pasion y morto di Hesus, kende a entrega su bida pa salba nos. E Caminda di Cruz ta tuma lugha diasabra dia 23 di maart. Ta topa 6:00 am na e parkinglot di e Santana di Sabana Basora, di ey-

nan ta bay cana den e diferente areanan di naturaleza y tin un duracion di mas of menos un ora y mey. Directiva di PHA ta pidi esnan cu ta bin participa pa yega na tempo, trece un fox (flashlight), un termo cu awa y keds comodo na pia. Nos ta warda bo!



Gradicimento y Invitacion

Na nomber di su yuinan, Anthony, Angelo y Andy Kirchner, kier a gradici tur esnan cu na un manera of otro a duna nan sosten, consuelo y forsa durante e tempo dificil cu e fayecimento y entierro di nos defunto stima:



Glenda Helena Goeloe

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico. Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compana nos na 3 Santo Sacrificio di Misa na misa Santa Filomena na Paradera;

Diasabra 16 di maart pa 7 pm.

Boso presencia ta altamente aprecia.



Cu tristesa na nos curason,
Avondhavo/-vwo Aruba ta anuncia fayecimento di
**SR. BIBIANO PAULINO
CROES**

★ 2 december 1940
† 10 maart 2024

Tata di nos kerido colega
Ralph Croes

Avondhavo/-vwo kier a extende palabranan
di profundo condolencia na henter famia.
Cu Sr. Bibiano sosega na paz


AVONDHAVO-UWO ARUBA
Durf de uitdaging aan!!!

